

SKIPULAGSSKRÁ

fyrir Minningarsjóð Sigurlaugar Ólafsdóttur frá
Litluhlíð í Lýtingsstaðahreppi í Skagafjarðarsýslu.

1. gr.

Sjóðurinn heitir Minningarsjóður Sigurlaugar Ólafsdóttur frá Litluhlíð í Lýtingsstaðahreppi í Skagafjarðarsýslu.

Sjóðurinn er stofnaður af Sveini Stefánssyni frá Tunguhálsi í Lýtingsstaðahreppi til minningar um móður hans Sigurlaugu Ólafsdóttur, sem var fædd 19. febrúar 1851 og andaðist 1. mars 1939.

Heimili og varnarþing sjóðsins er á Sauðárkróki.

2. gr.

Höfuðstóll sjóðsins var upphaflega g.kr. 25.000 - tuttugu og fimm þúsund krónur (gamlar krónur) - í hlutabréfum í hf. Eimskipafélagi Íslands, og má aldrei skerða höfuðstólinn.

3. gr.

Tilgangur sjóðsins er að styrkja fjölskyldur eða einstaklinga sem eiga við heilsuleysi eða bágan efnahag að búa. Starfssvæði sjóðsins er Lýtingsstaðahreppur hinn forni.

Stjórn sjóðsins hefur vaxtatekjur sjóðsins til ráðstöfunar. Telji hún eigi ástæðu til að úthluta styrk skal hún ávaxta fé sjóðsins á sem hagkvæmastan hátt.

4. gr.

Stjórn sjóðsins skipa þrjú menn: Sveitarstjórinn í Skagafirði, félagsmálastjórinn í Skagafirði og bóndinn á Daufá.

5. gr.

Reikningsár sjóðsins er almanaksárið. Stjórn sjóðsins lætur semja reikninga og skulu þeir yfirfarnir af kjörnum endurskoðendum Sveitarfélagsins Skagafjarðar og sendir Ríkisendurskoðun fyrir 30. júní ár hvert.

6. gr.

Stjórn sjóðsins getur breytt skipulagsskrá þessari, enda sé meirihluti stjórnar samþykkur breytingunum.

Leita skal staðfestingar dómsmálaráðherra á breytingum á samþykktum.

7. gr.

Skipulagsskrá þessi kemur í stað skipulagsskrár fyrir samnefndan sjóð nr. 180 25. ágúst 1971.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 15. febrúar 2000.

F. h. r.

Björn Friðfinnsson.

Fanney Óskarsdóttir.